

FEDERATA E FUTBOLLIT E KOSOVËS
FUDBALSKI SAVEZ KOSOVA
FOOTBALL FEDERATION OF KOSOVA



PROPOZIONET E GARAVE
Për Superligën, Ligën e Parë dhe U-17 vajza/gra
Kampionati i Kosovës në Futboll: 2022 - 2023

Prishtinë, Korrik 2022

Komiteti Ekzekutiv i Federatës së Futbollit, bazuar në nenin 33 p. 3 /a të Statutit të FFK-së, me datë 27.07.2022 aprovoi:

PROPOZICIONET E GARAVE

I.DISPOZITAT E PËRGJITHSHME

Neni 1

Me këto Propozicione, caktohet mënyra, organizimi dhe udhëheqja e garave të kampionatit të futbollit të vajzave/grave në Kosovë për rangjet garuese; Superliga, Liga e parë Seniorët –dhe Liga e Kadeteve U-17

Neni 2

Me garat e futbollit në rangjet Superliga, Liga e Parë Seniorët dhe Liga e Kadetëve U17 – vajzave/grave udhëheqin Komisionin e Garave të cilin e emëron dhe shkarkon Komiteti Ekzekutiv i FFK-së.

Neni 3

Garat kampionale të futbollit për seniore, dhe U-17 do të zhvillohen sipas sistemit të Ligave, në të cilën do të marrin pjesë:

Superliga – Vajza/Gra

- **Seniorët garojnë; 14 ekipe të ndara në dy kategori.**
- **Kategoria e parë – Superliga me 8 ekipe**
- **Kategoria e dytë – Liga e parë me 6 ekipe**

Nr.	Seniorët: vajza/gra	Selia
1	KFF EP-Com	Hajvali
2	KFF Mitrovica	Mitrovicë
3	KF.Kosova VR	Prishtinë
4	Kff Malisheva	Malishevë
5	KFF “Llapi”	Podujevë
6	KF Dukagjini	Klinë
7	KFF Bazeli 2015	Kaqanik
8	K.F.Jakova	Gjakovë

Superliga Seniorët: vajza/gra zhvillohen 21 xhiro të rregullta prej të cilave; 10 në edicionin vjeshtor dhe 11 në edicionin pranveror, gjithësej zhvillohen 84 ndeshje të rregullta zyrtare (kampionale).

Nr.	Liga e parë: vajza/gra	Selia
1	KFF.Vizioni	Ferizaj
2	KF Liria	Prizren
3	SHF Presingu	Viti
4	K.F.F.Intelektualet	Gjilan
5	KFF Feronikeli	Drenas
6	KFF 16 Qershori	Malishevë

Liga e parë- Senioret: vajza/gra zhvillohen 15 xhiro të rregullta prej të cilave: 7 në edicionin vjeshtor dhe 8 në edicionin pranveror, gjithësej zhvillohen 45 ndeshje të rregullta zyrtare (kampionale).

Neni 4

Liga; U-17 (Vajzat)

- **Numri ekipeve garuese (të paraqitura); 22 ekipe**

Nr.	Ekipet; U-17 Femrat	Selia
1	KFF Mitrovica	Mitrovicë
2	KF.Dukagjini	Klinë
3	KF.Kosova VR	Prishtinë
4	KFF.Vizioni	Ferizaj
5	KFF Malisheva	Malishevë
6	SHF Presingu	Viti
7	K.F.F. "Llapi"	Podujevë
8	KFF Shqiponja	Malishevë
9	K.F.F.Intelektualet	Gjilan
10	KFF Bazeli 2015	Kaçanik
11	KFF 16 Qershori	Kijevë
12	K.F.F. Istogu	Istog
13	KFF Ardhmëria	Obiliq
14	KFV Prishtina	Prishtinë
15	KF.2 Korriku	Prishtinë
16	K.F.Jakova	Gjakovë
17	KF.Rilindja	Prishtinë
18	FK.Behar	Vitimiricë
19	KF Ferizaji	Ferizaj
20	KFF Deçani	Deçan
21	KFF Feronikeli	Drenas
22	KFF Ep-com	Hajvali

Liga U-17 përbëhet prej 22 ekipeve të ndara ne dy grupe:

- a) Grupi A, me 11 ekipe garuese - Rajoni (Prishtinë – Gjilan – Ferizaj).
Ekipet garuese të Grupit A:

- Kosova VR,
- Prishtina
- Rilindja,
- Vizioni,
- Presingu,
- Llapi,
- Intelektualet,
- Ardhmëria,
- 2 Korriku,
- Bazeli 2015.
- Ferizaji

b) Grupi B, me 11 ekipe garuese - Rajoni (Mitrovicë, Pejë -Gjakovë- Prizren).

Ekipet garuese të Grupit B:

- Mitrovica,
- Dukagjini,
- Malisheva,
- Shqiponja,
- 16 Qershori,
- Istogu,
- Jakova,
- Behar
- Deçani
- Feronikeli
- Ep-com Hajvalia

Në Grupin A, do të zhvillohen 22 xhiro, vajtje - ardhje sipas sistemit të Bergerit, prej tyre 11 xhiro në stinorin vjeshtor si dhe 11 xhiro në stinorin pranveror.

Në Grupin B, do të zhvillohen 22 xhiro, vajtje - ardhje sipas sistemit të Bergerit, prej tyre 11 xhiro në stinorin vjeshtor si dhe 11 xhiro në stinorin pranveror.

Në fund të Kampionatit do të zhvillohet play-off, ku ekipi që në fund të sezonit përfundon në vend të parë të grupit A do të luaj kundër vendit të dytë të grupit B, dhe vendi i parë i grupit B do të luaj kundër vendit të dytë të grupit A. Fituesit e këtyre dy qifteve do të luajnë një ndeshje finale, nga e cila do të përcaktohet ekipi kampione.

Neni 5

Senioret: garat për ndeshje kampionale i zhvillojnë në dy rangje garuese, gjegjësisht në **Superligë** me gjithsej 8 ekipe, dhe

Liga e Parë: Nga ky edicion (përkatësisht edicioni 2022/2023), do të kemi edhe Ligën e Parë, që është rangi dy i kampionatit për vajza/gra seniore.

Do të ketë 6 ekipe pjesëmarrëse.

Janë 5 ekipet që në edicionin paraprak kanë përfunduar në pjesën e fundit të tabelës, dhe 16 Qershori i shkëputur nga garat e senioreve, është rikthyer prap të garojë në Ligën e Parë.

Komiteti Ekzekutiv i FFK-së, vendos për rastet se cilat ekipet përkatëse të Ligës së Parë në futbollin e femrave duhet të tërhiqen gjatë zhvillimit të garave.

Garat e U-17 për futbollin e vajzave janë plotësisht të pavarura nga garat e senioreve dhe zhvillohen sipas kalendarit të posaçëm të përcaktuar me short.

Neni 6

Sistemi i Garave;

Sistemi i garave në **Superligën** e futbollit të vajzave/grave do zhvillohet në tri etapa sipas sistemit të Bergerit, do të zhvillohen gjithsej 21 xhiro prej të cilave 10 xhiro në edicionin vjeshtor dhe 11 xhiro në edicionin pranveror.

Do të zhvillohen 15 xhiro të rregullta për **Ligën e parë**, në tri etapa sipas sistemit të Bergerit. Shtatë xhiro në edicionin vjeshtor dhe tetë në atë pranveror.

Nëse një ekip i Superligës apo Ligës së Parë në futbollin e vajzave/grave, pa arsye nuk i zhvillon 2 (dy) ndeshje kampionale gjatë tërë kampionatit (vjeshtë – pranverë) largohet nga garat e mëtejme dhe për të njëjtën aplikohen masat ndëshkuese sipas Rregullores Disiplinore.

Neni 7

Liga e vajza/grave U-17 organizohet me sistem të zhvillimit të ndeshjeve: vajtje – ardhje për xhirot e rregullta (vjeshtë dhe pranverë). Dhe play-off në fund të kampionatit.

Nëse një ekip i U-17, pa arsye nuk i zhvillon 2 (dy) ndeshje kampionale të njëpasnjëshme gjatë tërë kampionatit (vjeshtë – pranverë) largohet nga garat e mëtejme dhe ndaj të njëjtës aplikohen masat ndëshkuese sipas Rregullores Disiplinore.

Neni 8

Ekipet e senioreve dhe kadeteve për vajza/gra, ndeshjet e tyre i zhvillojnë në fushat e regjistruara, licencuara dhe pranuar nga ana e komisionit për infrastrukturë sportive pranë Federatës së Futbollit të Kosovës, poashtu edhe fushat alternative (fushat të cilat përcaktohen nga ekipet nikoqire para fillimit të kampionatit).

Me kërkesë të posaçme të cilën duhet të aprovoj Komisioni i Garave, lihet mundësia e ndryshimit të vendit (fushës) për atë ekip i cili nuk ka mundësi ta zhvillojë ndeshjen në fushën e vet. Por, ai ekip është i obliguar ta përgatit fushën për lojë dhe të ndërmarr të gjitha masat e nevojshme për organizimin dhe sigurimin e ndeshjës.

Ekipi i cili nuk e përgatit fushën për zhvillimin e ndeshjes (pastrimin nga të reshurat atmosferike, vizatimin me vija të dukshme në fushën e futbollit etj., të njëjtën e humb me rezultat zyrtar).

Neni 9

Nëse ekipi nikoqir, përfshirë Superligën, Ligën e Parë dhe U-17, nuk paraqitet në fushë ose në të kundërtën ekipi mysafir nuk udhëton në ndeshjen e caktuar sipas orarit zyrtar të ndeshjeve të FFK-së, si dhe mos njoftimi nga ana e tyre për këtë mosparaqitje – mos udhëtim, të njëjtat do të dënohen sipas Rregullores Disiplinore të FFK-së.

Neni 10

Garat e Superligës, Ligës së Parë dhe U-17 vajza/gra janë plotësisht të pavarura, zhvillohen sipas kalendarit të posaçëm të përcaktuar me short. Te Liga U-17 pjesë loja zgjatë 40 minuta apo 2 x 40 minuta me një pushim prej 15 minutave mes dy pjesë lojëve.

Neni 11

Ndeshjet kampionale zhvillohen të shtuneve dhe të dielave apo edhe ndonjë ditë tjetër nëse për këtë vendos Komisioni i Garave.

Klubi nikoqir, për ndeshje të caktuar, mund të propozoj të ndryshojë terminin (nga e shtuna në të diel apo anasjelltas apo orën e zhvillimit të ndeshjes), me kusht që për këtë të paraqes kërkesë me shkrim (së bashku me arsyetimin përkatës) Komisionit të Garave i cili është i obliguar që të njoftoj edhe klubin kundërshtar, 48orë para orarit të ri të ndeshjes.

Komisioni i Garave mund të vendos që ndeshja e paraparë për të shtunën apo të dielën të zhvillohet gjatë një dite pune, sipas marrëveshjes me shkrim të të dy klubeve, të prezantuar në Komisionin i Garave së paku 48 orë para zhvillimit të ndeshjes dhe e vërtetuar nga ana e Komisionit të Garave, si dhe nëse nuk ka ankesa nga klubet tjera për atë ndeshje e cila mund të jetë e rëndësishme edhe për plasmanin e ndonjë ekipi tjetër.

Marrëveshjet e këtilla, nuk do të pranohen për ndeshjet e tre xhirove të fundit të garave kampionale.

Neni 12

Në interes të rregullsisë së garave, Komisioni Garave me pëlqimin e Komitetit Ekzekutiv të FFK-së, mund të vendos që ndeshjet e tre xhirove të fundit të kampionatit të zhvillohen në të njëjtën ditë dhe të njëjtën kohë.

Neni 13

Për kapitujt në vijim dhe çështjet tjera që kanë të bëjnë me gara, vlejné dispozitat e Rregullores së Garave;

- Shtyrja e ndeshjeve,
- Fushat,
- Detyrat e organizatorit të ndeshjes,
- Caktimi i fushës dhe fillimi ndeshjes,
- Paraqitja e parë dhe identiteti i lojtareve etj...

Neni 14

Të gjitha lojtaret që paraqiten në ndeshje, duhet të kenë valide ID kartelën (kartelën identifikuese) të garave për ndeshje.

Kontrollimin mjekësor, lojtaret e bëjnë dy herë në vit; para fillimit të stinorit vjeshtor gjegjësisht stinorit pranveror të kampionatit, te mjeku specialist i mjekësisë sportive i cili aftësinë e lojtareve e konstaton në raportin zyrtar të dërguar në FFK, para fillimit të stinorit vjeshtor apo pranveror.

Neni 15

Në qoftë se lojtarja paraqitet në ndeshje pa kontrollimin e kryer mjekësor, apo licencim, ndeshja do të regjistrohet me rezultat zyrtar (3:0) në të mirë të ekipit kundërshtar, nëse nuk është arritur rezultati më i volitshëm për kundërshtarin, kurse ndaj lojtarit dhe klubit do të ngritet procedura disiplinore.

Neni 16

Trajnerët e angazhuar në Klube duhet të jenë të pajisur me licencë, të cilët janë të detyruar ta paraqesin (dorëzojnë) në FFK para fillimit të garave, së paku UEFA B të Superliga dhe Liga e Parë vajza/gra, ndërsa për U-17 Licenca C).

Në Superligë klubet në secilën ndeshje kanë për obligim të sigurojnë mjekun (përfshirë klubin nikoqir si dhe atë mysafir).

Në Ligën e parë- Seniore në secilën ndeshje klubi nikoqir ka për obligim të sigurojë mjekun.

Në Ligën U-17, në secilën ndeshje klubi nikoqir ka për obligim të sigurojë mjekun.

Neni 17

Lojtarja e cila e ka të drejtën e paraqitjes për; U-17 në kampionatin 2022-2023, konsiderohet lojtarja e cila ka lindur me 2005 deri më 2008, (me leje speciale mund aktivizohen lojtaret e lindura në vitin 2009)

Maksimumi i lojtareve nga Liga U-17 vajza (kanë të drejtë të luajnë – aktivizohen edhe në ekipin e senioreve) është gjithësej 5 lojtare, të cilat duhet të pajisen me leje special.

Në Superligë dhe Ligën e parë –Seniore vajza/gra mund të aktivizohen 5 lojtare me leje speciale, (lojtaret e vitit të lindjes 2006 dhe 2007).

Neni 18

Lojtaret Seniore të cilat ndëshkohen me karton të kuq drejtpërdrejt gjobiten në vlerë prej; 50 euro (pesëdhjetë euro), ato që marrin karton të kuq pas dy të verdhëve gjobiten me 40 euro, kurse lojtaret nga Liga e U-17 për ndëshkim me karton të kuq drejtpërdrejt gjobiten në vlerë prej 30 euro (tridhjetë euro), ato që marrin karton të kuq pas dy të verdhëve gjobiten me 20 euro.

Në ndeshje mund të paraqiten vetëm lojtaret të cilat janë të evidentuara dhe licencuara në Federatën e Futbollit të Kosovës.

Lojtarja nuk mund të luaj në dy ndeshje zyrtare brenda 24 orëve.

Hapësira Teknike

Neni 19

Në hapësirën teknike gjatë zhvillimit të ndeshjes mund të qëndrojnë personat e evidentuar në protokollin zyrtarë;

- Lojtaret rezervë (gjithsej 7 veta).
- Kryetrajneri (shefi shtabit teknik).
- Trajneri ndihmës.
- Trajneri i portiereve.
- Mjeku me emblemë – shenjë përkatëse.
- Fizioterapeuti.
- Personi zyrtarë i klubit.

Hapësira Restriktive (Brenda rrethojave të fushës)

Neni 20

Mund të qëndrojnë personat e poshtë shënuar;

- Delegatja e ndeshjes.
- Vëzhguesi-ja e referimit.
- Foto reporterët.
- Gazetaret.
- Përfaqësuesi për siguri.
- Mbledhësit e topave.

Neni 21

Në rast së dikush nga personat e lartshënuar nga neni 19 dhe 20 nuk e ka përgatitjen përkatëse; emblemën, shenjën apo ID kartelën, delegati ndeshjes do të kërkojë nga përfaqësuesi zyrtar apo përgjegjësi për siguri i klubit nikoqir, që personat e tillë të largohen nga fusha (hapësira teknike apo restriktive) jashtë rrethojave të fushës së lojës.

Delegati i Ndeshjes;

Neni 22

Listën e delegatëve për çdo ndeshje me propozim të komisionit e shqyrton dhe aprovon Komiteti Ekzekutiv i FFK-së. Kurse delegimin e tyre nëpër ndeshje e bënë komisioni që udhëheq me gara.

Delegati-ja, është i/e obliguar që t'i dijë Propozicionet e Garave, aktet tjera normative si dhe detyrat konkrete të tij/saj të cilat janë të përshkruara në;

- Propozicionet e Garave neni 39.
- Rregulloren e Garave neni 21

- dhe,
- Udhëzuesin mbi punën e delegatit për ndeshjet zyrtare.

Gjyqtaret-ët;

Neni 23

Gjyqtarët i cakton komisioni për delegimin e gjyqtarëve me përgjegjësinë e atij rangu të garave. Inicimin e procedurës disiplinore ndaj gjyqtarëve të cilët nuk i aplikojnë me përpikëri rregullat e lojës së futbollit apo ato i aplikojnë gabimisht, e bënë komisioni i garave dhe atë tek komisioni disiplinor i shkallës së parë.

Ndeshjet kampionale dhe ato të kupës i referojnë gjyqtarët e kualifikuar për atë rang garues. Gjyqtari është i obliguar që para fillimit të ndeshjës të kontrolloj në tërësi se është apo nuk është e përgatitur – përshtatshme për zhvillimin e saj.

Lidhur me mosardhjen e gjyqtarëve apo vonesën e tyre në ndeshje duhet vepruar në përputhje me nenin 47 dhe 48 të Propozicioneve të Garave Unike.

Numri me i vogël i lojtareve dhe zëvendësimet e tyre

Neni 24

Lidhur me numrin e lojtareve dhe zëvendësimet e tyre të vepohet në bazë të neneve; 77, 78 dhe 79,të Propozicioneve të Garave (unike për të gjitha ligat) kurse për zëvendësime aplikohet ndryshimi i përkohshëm;

Zëvendësimet;

Neni 25

Të gjitha ndeshjet e luajtura në konkurrim zyrtarë (meshkuj, vajza/gra) ndeshje kampionale dhe kupës;

1. Gjatë ndeshjës secili ekip;
 - Mund të përdor një maksimum prej 5 (pesë) zëvendësimeve.
 - Ka maksimalisht tre ndalesa zëvendësimi.
 - Mund të bëjë zëvendësime në pushim, ndërmjet dy pjesë lojëve (nuk llogaritet si ndalesë zëvendësimi).
2. Kur luhet koha shtesë (p.sh. Ndeshjet e Kupës) secili ekip;
 - Mund të përdor një zëvendësim – shtesë (një të gjashtin, pavarësisht nëse skuadra ka përdorur numrin maksimal të ndalesave të zëvendësimeve).
 - Ka një ndalesë shtesë zëvendësim (një të katërt, pavarësisht nëse skuadra ka përdorur numrin maksimal të ndalesave të zëvendësimit).

Mund të bëjë zëvendësime shtesë;

- a) Në periudhën para fillimit të kohës shtesë
- b) Në periudhën ndërmjet dy kohëve shtesë.

Nëse një ekip nuk ka përdorur numrin e tij maksimal të zëvendësimeve ose ndalesave të zëvendësimit, zëvendësimet dhe ndalesat e përdoruara mund të zbatohen në kohën shtesë. Kur të dy ekipet bëjnë një zëvendësim në të njëjtën kohë, kjo do të llogaritet si një mundësi zëvendësimi e përdorur në secilin ekip.

Fanelat

Neni 26

Ekipet në një ndeshje nuk mund të paraqiten – luajnë me fanela të ngjyrave të njëjta apo të ngjashme. Kompetent për vlerësimin e tyre është gjyqtari kryesor dhe asistentet e tij i cili edhe merr vendimin definitiv.

Nëse ekipet kanë fanelat tradicionale me ngjyra të njëjta atëherë ekipi mysafir është i obliguar që ti ndërroi fanelat në të kundërtën nëse ndeshja nuk zhvillohet për këtë arsye, ajo do të regjistrohet me rezultat zyrtar (parforfe 3:0) në të mirë të ekipit vendas.

Neni 27

Gjatë zhvillimit të ndeshjes lojtaret në pjesën mbrapa të fanelave (në anën e shpinës) të veta duhet ti kenë numrat e dukshëm të madhësisë sipas dispozitave si në vijim: madhësia – gjatësia e numrave duhet të jetë 20 – 30 cm, kurse gjerësia e vijave të çdo numri duhet të jetë me e vogël së 5 cm.

Numrat e fanelave duhet të përputhen me numrat në regjistrin e lojtareve të shënuara në protokollin e ndeshjes. Në të kundërtën konsiderohet së lojtarja është aktivizuar pa të drejtë loje dhe pasojnë masat sipas dispozitave të Rregullores Disiplinore.

Regjistrimi i Ndeshjeve

Neni 28

Të gjitha ndeshjet (kampionale dhe të Kupës) regjistrohen nga ana e komisionit të garave në afat prej 3 ditësh nga dita e zhvillimit të ndeshjes së fundit të asaj xhiroje.

Nëse për një ndeshje është ushtruar ankesë, atëherë afati për regjistrimin e ndeshjes do të shtyhet deri në marrjen e vendimit sipas ankesës, gjegjësisht deri në vendimin e plotfuqishëm lidhur me ankesën.

Ndeshja e regjistruar nuk mund të anulohet nga i njëjti organ i garave përveç rasteve decitive të parapara me Rregulloren e Garave.

Nëse xhirot zhvillohen me dinamikë të përshpejtuar të dielën dhe të mërkurën , afati për regjistrimin e ndeshjeve është dy ditë nga data e zhvillimit të ndeshjes së fundit të asaj xhiroje e domosdo para fillimit të xhiros vijuese, qoftë ajo kampionale apo e Kupës. (përpos kur ka ankesa lidhur me regjistrimin e ndeshjës).

Neni 29

Nëse gjatë kampionatit ekipi largohet nga Komisioni i Garave, për arsye të mos zhvillimit të dy ndeshjeve, atëherë ai ekip fshihet nga garat e mëtutjeshme, kurse për ndeshjet e zhvilluara dhe për ato që duhet zhvilluar do të veprohet kësisoj;

- Nëse ekipi tërhiqet apo përjashtohet nga garat pasi që ti ketë zhvilluar gjysmën e ndeshjeve apo me pak nga numri përgjithshëm i ndeshjeve të parapara për tërë kampionatin, atëherë të gjitha ndeshjet e zhvilluara të atij ekipi do të anulohen.
- Nëse ekipi tërhiqet apo përjashtohet nga garat pasi ti ketë zhvilluar me tepër së gjysmën e numrit të përgjithshëm të ndeshjeve të parapara për atë kampionat, atëherë ndeshjet e tij të zhvilluara deri në atë moment do të regjistrohen me rezultatin e arritur në fushë, ndërsa ndeshjet e mbetura do të regjistrohen me rezultate zyrtare (3:0) në favor të kundërshtarëve të tij të ardhshëm të parapara në kalendar të garave.

Ndeshjet e zhvilluara në kuptimin e këtij neni konsiderohen ndeshjet e zhvilluara në fushë dhe të regjistruara me rezultatet e arritura në fushë apo rezultat zyrtar (në rast të ankesës së aprovuar)

Vërtetimi i Plasmanit

Neni 30

Ekipi i cili e fiton ndeshjen në garat kampionale arketon 3 pikë, kurse nga ndeshja kur rezultati është i barabartë, secili ekip arkëton nga një pikë;

- Plasmani i ekipeve në tabelë caktohet në bazë të pikëve të fituara. Plasman më të mirë siguron ekipi që ka fituar më shumë pikë.
- Nëse ekipet që kanë plasman të barabartë në tabelë në fund të kampionatit (që garojnë për kreun e tabelës – titullin e kampionatit) daljen në garat ndërkombëtare, largim në rang me të ulët, garojnë për barazh (mbetje dhe hyrje në ligë) apo për ndonjë përfitim tjetër, do të merren për bazë rezultatet dhe golaverazhi në duelet e ndërsjellta.
- Nëse ekipet kanë plasman të barabartë edhe në ndeshjet e ndërsjellta, atëherë merren për bazë golat e shënuara në ndeshjet e ndërsjellta.

Nëse edhe në këtë mënyrë nuk mund të vërtetohet plasmani, atëherë zhvillohet ndeshje në mes ekipeve përkatëse dhe atë;

- Një ndeshje në fushë neutrale (nëse janë dy ekipe) që i cakton KE i FFK-së, e nëse pas 90 minutave të lojës së rregullt rezultati është i barabartë pasojnë vazhdimet 2 x 15 minuta, e në rast të rezultatit të barabartë pasojnë ekzekutimi penalltive.

- Nëse janë tri ekipe atëherë zhvillohen tri ndeshje me sistem të pikëve në terren neutral njëjtë veprohet edhe në rastin kur janë katër e më shumë ekipe.

KONTROLLIMI MJEKËSOR I LOJTAREVE

Neni 31

Secila lojtare duhet ta kalojë testin mjekësor në Qendrën Kombëtare të Mjekësisë Sportive – QKMS, ku QKMS dërgon raport në emalin zyrtarë të FFK-së, listat e lojtareve me kontrollime mjekësore.

Afati i vlefshmërisë së kontrollit mjekësor për lojtare zgjatë 6 (gjashtë) muaj. Kontrollimi special mjekësor për lojtaret e reja; U-17 që do të luajnë për ekipin e Parë Senior, vlen 6 muaj (gjashtë) dhe kështu me radhë, për çdo kategori.

Me kontrollimin mjekësor special deri sa ai është në fuqi lojtarja mund të luaj në të gjitha ndeshjet. Klubet janë të obliguara t'i përmbahen në tërësi Rregullores së Garave sa i përket kontrollimit mjekësor dhe personelit mjekësor.

Procedurat Disiplinore

Neni 32

Komision Garave i shkallës së parë është i obliguar që në afatin prej tre ditësh e në rast kur kërkohet zgjedhje urgjente edhe me shkurt të shqyrtojë ankesën (nga dita e pranimit të ankesës)

Neni 33

Lojtarja e ndëshkuar me 4 (katër) kartonë të verdhë pushon automatikisht në xhiron e radhës. Dënimi për shkak të 4 kartonëve të verdhë të shqiptuara në ndeshje kampionale nuk mund të ekzekutohen në ndeshjet e Kupës dhe anasjelltas.

Vuajtja e dënimit, bartet edhe në kampionatin vijues të garave nëse bëhet fjalë për kartonin e kuq drejtpërdrejt, kartonin e kuq pas dy të verdhëve si dhe kartoni katërt i verdhë në ndeshjen e fundit të atij kampionati e i cili ekzekutohet në ndeshjen e parë të kampionatit vijues.

Kartonët tjerë të verdhë shlyhen dhe nuk barten në kampionatin vijues.

Nëse lojtarja e cila ka një karton të verdhë në ndeshjet paraprake të Kupës dhe në ndeshjen e dytë gjysmë finale ndëshkohet me karton të verdhë, i lejohet zhvillimi i ndeshjes finale të Kupës së Republikës së Kosovës.

Dënimi automatik për shkak të kartonit të kuq pas dy të verdhëve në ndeshjen e kupës do të ekzekutohet në ndeshjen e parë të radhës vijuese të Kupës.

Lojtarja e ndëshkuar direkt me karton të kuq, detyrimisht pushon xhiron e radhës qoftë për gara të rregullta qoftë për garat e Kupës.

Lojtarja e ndëshkuar me karton të verdhë te U17, pushon automatikisht në xhiron e radhës te U17, në qoftëse lojtarja ndëshkohet me karton të verdhë te Seniorete, pushon automatikisht në xhiron e radhës te Seniorete.

Buletini Zyrtar

Neni 34

Të gjitha vendimet e komisionit të garave shpallen në Ueb-faqen zyrtare të Federatës së Futbollit të Kosovës si dhe në “Buletinin Zyrtar” të FFK-së.

Të gjitha klubet garuese janë të obliguara që ti përfillin vendimet nga Ueb-faqja zyrtare e FFK-së dhe të “Buletinit Zyrtar”.

Afati Kalimtar

Neni 35

Afati kalimtar i lojtareve që dëshirojnë të kalojnë nga një klub në tjetrin këtë mund ta bëjnë gjatë;

- Afatit kalimtar dimëror i cili nuk guxon të jetë më i shkurtër së 4 javë dhe,
- Afatit të rregullt kalimtar veror i cili nuk guxon të jetë më i shkurtër së 8 javë.

Datat e sakta për afatet kalimtare të lojtareve i cakton KE - FFK-së, me vendim të posaçëm që e merr në kohën e duhur, bazuar në afatet e sugjeruara dhe ato obligative të FIFA-së.

DISPOZITAT KALIMTARE

Neni 36

Çdo vendim që merret në përputhje me këto Propozicione si dhe me ato unike është obligativ për të gjithë, derisa dispozitat e këtyre Propozicioneve të mos ndryshojnë.

Ndryshimet dhe plotësimet e këtyre Propozicioneve i bënë KE - FFK-së , në procedurë të njëjtë si për aprovimin e tyre.

Neni 37

Për çështjet që nuk janë përfshirë në këto Propozicione, vlejnë Propozicionet unike për të gjitha rangjet dhe ligat, Rregullorja e Garave, Rregullorja Disiplinore si dhe aktet tjera normative të Federatës së Futbollit të Kosovës.

Neni 38

Këto Propozicione hyjnë në fuqi më datë 27 Korrik 2022.

Prishtinë, 27 Korrik 2022

**Kryetari i Komitetit Ekzekutiv të FFK-së,
Agim Ademi**